

硯
谿
先
生
集

硯谿先生集總目卷上

北征集

出門

呈吳縣令郭振公

送吳生

贈梅源陳翁

即事四首

寄舍弟敬哉

贈太原傅青主先生

恭壽大司寇南和公四首

春日有感四首

陳其年太史索和清明日遣興詩次韻

三月三日三首

清明前二日同王弘導憲尹諸子過孫少府飲作

歌

贈別宋孝廉御之先生

張公六吉通判嚴州賦此作別

送石門勞先生之任貴州五首

壽吳母徐太夫人

別李天生檢詩

戲荅錢進士獻侯

寄顧孝廉雨若四十韻

述夢作歌寄顧太史齋樸

咏史二首

贈吳縣王明府四首

戲題陳徵士其年詩卷後

送別宋徵士

同侯大年用楊鐵厓范石湖詩韻作歌

崢嶸集卷上

紅豆詞十首

讀孟東野集戲效其體

有贈二首

寄田公二首

寄蕭韓坡侍讀四首

口占寄田樂園

除夕同樂園分韻二首

爲紫英題梅花戲呈田公二首

題田公山薑稿四首

飲田樂園宅次茶公旦韻

和田公長齋繡佛詩韻五首

又和前韻五首

春日寫懷十首

懷同里王石年褚蒼書文賓日吳公紳周覲侯諸

詩人賦寄

荅田公濟南見寄

和田公留字韻荅公旦

送友

再和留字韻寄田公

夏日寫懷十首

題畫二首

蕭侍讀餉苦酒及藕粉作歌奉謝

秋日出游小醉旗亭五首

次韻荅友人五首

崢嶸集卷下

秋懷十首

九日病起有懷六首

飲山董書屋同田公賦二首

再用前韵答人五首

寄蘇漢聲孝廉

呂博士招飲以病不赴

即事二首

田公惠褥段衣材數事賦謝

歲暮襍感十首有序

題壽讌圖

用范文穆句題琉璃河店壁二首

同吳天章陳叔毅湯西崖查夏仲朱文盛王咸中

喬扶功飲嚴柱峯侍御宅分賦

是日同西崖夏仲宿侍御齋

荅查聲山夏仲猶子

別吳商志

爲國棊林元煥賦四首

同姜西溟彭孝緒金穀似願九恒魏禹平張漢瞻

查夏仲兄弟汪寓昭湯西崖談震方會飲張園

作歌限張字

是日諸君皆騎余同禹平夏仲步過張園

題畫

送徐公子歸秀州兼寄周青士五首

呈司業劉先生

出都別諸同學五首

微雨

早發

趙北口

香城驛

過西枝草堂同念始夜話

飲胡僉憲署

過鄭圃有懷

東中集

棹歌四首

題船牕

同婁東王異公曾耳黃曹九咸無錫施對颺同里

吳虞升西湖泛舟

過密魯嶺次周孝威韻

斤竹嶺

游鴈宕不果次異公韻

次韻王異公見示永嘉署中追憶游涉之作

時在台州

台州官舍望巾子山次異公韻二首

台州襍詩十首

弔余學夔次九咸韻

遠山

出天台西郊

赤城山

從赤城至國清寺

天台道中遇雨宿中渡次韻

天姥嶺

下嶺至斑竹山小憩

泛曹娥江

再過天台

題紹興署樓壁

喜至嘉興官廨呈同事諸子

紅豆集

次韻荅汪異三

柬張日容

四品蔬

寄平湖郭臯旭

過田家

典衣

門人顧履成餽蟹却寄

夜坐有懷

友人招游山塘同徐大臨張日容諸子作歌紀之
綠牡丹次韻二首

再次前韻二首

五月三日顧漢漁迂客俠君兄弟招同諸子觀競

渡即事十首

爲朱文盜題畫三首

題蔣文從泛雪圖詩卷

贈鮑秀才孝一

石鼓歌

為馬蕃侯題畫

答金陵朱秀才

吳超士索其州父省齋壽詩走筆戲賦

贈維揚顧書宣

柬陸次公別駕即以爲壽

書宣索壽母詩率筆答之

長句贈潛江朱悔人

更衣二首

送友人入都

次前韻送潘雙南同朱悔人楚游

寄楚中朱石戶先生二首

即事恭紀二首

有詔

探梅

寄湯西崖

別查夏仲

夏日過薛孝穆城西新居

題徐大臨故宮詞卷後四首

竹夫人

七夕

為吳超士題畫三首

答吳孟舉舍人四首

會葬宋文恪公後有感示毅求待詔念功庶常衣

聞上舍六首

紅樹三首 禁用御溝等字

題畫

前題三首 再用紅字

次韻南村襟興八首

分題賦願況五首

藝語集

巡邊恭紀

題蟾宮折桂圖

瀛洲亭秋夜讀書二首

送同年張堦六歸關中二首

新城先生屬和城西別墅襟咏

先生嗣君
清遠原唱

石颿亭

樵唱軒

半偈閣

大椿軒

雙松書屋

春草池

小善卷洞

小華子岡

三峯

嘯臺

竹徑

綠蘿書屋

石文

賦得秋菊有佳色

為魏禹平題水村圖二首

為談震方題畫

玉竦橋望西山秋爽

為王用儀題畫

賦得麥田積雪

送顧迂客

壽婁東王夫子三首

為蔚縣張孝子彩鳳作

紀事

不才

諸母壽讌詩

送同年張嘉錫二首

閒行過積水潭六首

上相公

題江東冊子四首 唐禮部實君

愷功新加侍中寄贈

恭紀曲江風度賜額呈王師相

出廣寧門

任工道中

萊蕪道中

馬上口占

宿山庄題壁

過費縣與沛蒼弟分韻

重九潘長公恬菴昆仲招同魏蒼石飲太白樓分

韻

同年張公緯索壽母詩賦贈

贈魏蒼石太守

次韻答魏蒼石時余將之大梁

移寓留題

題畫鷹

題畫蘆花

賀同年生子次呱字韻

謫居集

北闕

敝裘二首和查夏仲

上元前三日與夏仲小飲分韻二首

題尤玉田卷子二首

為慢亭先生題雙雞圖三首

悼亡妾趙氏

再用衣字韻

薩倬雲董滄洲昆仲同尤左文處士見過分韻得

溫期二字二首 倬雲侍衛滄洲舍人大司空子

也

贈別王慢亭先生兼寄清遠公子 新城先生從弟

題殷彥來歲寒吟卷

花朝泥飲唐儀部實君寓全姜西溟趙文饒查夏

仲湯西崖查聲山官友鹿分韻得圓床二字

夜歸有懷

得家書寄內作二首

次唐禮部實君韻荅宮友鹿二首

再用衣字韻二首

送別石門勞先生乞養歸里四首

題畫史冊子四首

別吳商志

荅同年楊鼎木

寄同年永年立人時與西溟實君夏仲文饒鼎木

約游郊外

夏仲以詩促游次韻荅之

同諸君興勝寺觀杏花二首

再賦一首示耑木及同游諸子

再賦得興勝寺杏花四首

題項霜田讀書秋對圖二首

調查夏仲

諸同人約看慈仁寺海棠以夏仲赴尚書約展期待之

贈畫史二首

題計生畫像

題王舍人野航居

初夏寄園雅集四首

全唐實君姜西溟查夏仲趙文饒楊耑木是日立人為酒主

題美人圖

寄自存上人

寄南求上人

寄湯西崖前輩三首

得西崖荅詩再寄一首

過張天門庶常快飲

賦瓶中花枝有感

荅楊崑木索近詩

翁戶部康貽招同西溟實君文饒子文夏仲霜田

文子其工飲芍藥花下

甲園禱詠為同館狄立人賦

柴關

秋影草堂

逸舫

溶湖

送別魏座主子相先生二首

飲查聲山前輩寓作兼示夏仲二首

為督子題冰雪圖

有寄三首

答薛孝穆書

送查夏仲

題姜西溟洞窻秋望圖四首

為李文受于題畫二首

懷滄洲舍人

為筆士陸孔庭題畫二首

飲少司寇田公宅

題飛龍岩圖

贈學士水部先生五首

張漢瞻馮文子見過小飲文子有詩次韻荅之

六月即事示同年生許念中退錄

同館姚起陶饋米

畫史黃生索詩書此以荅

李梅厓前輩往游西山遙寄一首

時招余同游不果往

雨中同尤玉田拈索居慕儔侶韻得索慕侶三字

無送玉田南歸

送別計傳一歸吳江二首

食鱸聯句

同許愈中尤玉田

送別湯莘士

送項霜田

寄孫赤崖二首

昌平道中附

硯谿先生集總目卷下

詩說卷上

詩說卷中

詩說卷下

附錄文三篇

送學使田公歸德州序

贈周生序

志壑堂集序

蕭母程孺人八十壽序代

壽蕭母程孺人八十序

思亭記

樂園記

潘雙南詩序

張文心壽序

陸澍人七十壽序

中丞洪公壽序代

張太夫人壽序

姚翁匏園壽序

新城縣學記代

趙節母梁氏墓誌銘

故河津令李君墓表

太子太師保和殿大學士杜文端公墓誌銘代

故城令黃君墓誌銘

荅薛孝穆書

與吳超士書

再與吳超士書

與薛孝穆書以上三首附見詩說後

江南試士錄後序代

詩經疑問序

李毓新傳代

鄭太翁壽序

研谿先生詩集

北征集

崢嶸集上

崢嶸集下

東中集

紅豆集

噉語集

謫居集

北征集

東吳 研谿 惠周惕

出門

饑寒逼腐儒顛倒作竒想
長安遠於日無故思一往
曾聞丈夫雄咫尺視天壤
豈知適千里三月費勞攘
為裝迫旦暮無乃太鹵莽
蕭然一室中何物是行帑
念此壯心摧低徊轉悒怏

貧家千金物富家一敝帚
况復苦征輸膏腴等糝懷券
詣富人數問不回首歸來
思變計行賂到下走請客
前致詞晨往來及酉富人
初不晚指示道否否履畝
計高低程租別升斗虛辭
張善賈書十無八九我今
迫倉卒豈得論

薄厚且取付行囊約略備乾糗遠行未出門計用盡十畝
回看橐中裝空空竟何有

聞人說燕京燕京渺何匹披圖相指示滿目盡羈旅阿母
忽悲摧道途詎如許憶昔生汝時歷歷尚堪舉懷中辨涼
溫戶外問風雨有時中夜啼張皇索火炬喧起隣家翁驚
走床前女苦無黃葉誘力疾作糶救誰能問有無百計欲
力取到今已成入吾意尚楚楚嘗聞千里外時節異鄉土
須臾成陰晴旦暮有寒暑孑身寄天涯衣食誰念汝再拜
聽母言淚下不能語

浮雲翳清晨孤帆帶微雨結束上高堂回遲更千慮苦心
發懽顏但道舟楫具小兒不知愁牽衣乞同去那忍與明

言多方使之誤送行襟親朋刺刺語及暮風急雨漸稠萬
師發微怒郎今何多談明日誰與訴

呈吳縣令郭振公

草草共勞人吾吳更顛顛誰捺父母權乃作秦越視賢宰
蘊經綸捺刀獲一試單車未之官賢報已先至鄙夫實吳
人撫事積愁思及公在都城請見陳髣髴去年火為災蓮
絮越其次遂令大江南枯旱成赤地百計得移秧全家產
都棄到秋雖半生十乘無一穗野老泣歸來門塞催租吏
鞭撻勢交加痛楚百毒備復令索其貲盡室無完器手牽
赤脚男藉此辦公事回指乳下孫若可抵私費性命盡一
家博爾胥吏喜舉隅吾所知此外那忍記嗚呼牧斯民本

意在撫字年饑亂已隨豈可度外置漁奪赴考成目前苟
快意那知激禍亂得罪亦此始矧今楚蜀交千里暗烽燧
三吳彈丸區軍食半所致反掌判安危憂在目與昔

至尊知其然臨朝發長喟欲待小醜安且下減租議破例
用我公豈必非此志稔知大夫賢循良惡毛贄但念今歲
人又與前日異辟如病虛羸命乃一息寄悍藥固難勝峻
補理亦忌不見故瘡禽虛發便下隊亦有傷根花移植立
為榴惟應事寬容漸令復神氣庶幾可再生朝野望俱遂
鄙夫忠愛心刺心皆有為試取看行間中有斑斑淚

送吳生

我初冒熱愁遠來見君先在眉方開君今又向江南去獨

我戚戚留京師京師微車坐潘陸衝風躡雪朱門馳士安
名字雖挂籍詞賦那得數布衣饑寒驅我繞一到豈敢側
足隨輕肥可憐觸處百不遂依然顛領遭人嗤羊裘露髀
履決踵頰面皴黑破帽歛男兒性命合寤餓故鄉客路理
亦齊君家家住葑溪口一泓春水風淪漪垂楊冉冉絲挂
屋梅雨暮暮烟入扉阿瓦亦並溪北住彼此相望聞鳴雞
風光若此貪亦好况有賢宰相因依我今一言欲相贈已
後慎勿來京畿君如謂我不可信看我作客悲不悲

贈梅源陳翁

世人好著書作者凡幾輩携之走京師牛車不能載磁磬
須臾間蕩滅等飛燄豈如著方技反足當世採梅源有通

賢廢書發深慨寫形究三陽砥石辨五會洞搜諸家秘立
言啓蒙昧縉舉而目張條例若分隊吾悲後世人其病乃
一槩略似秦穆公信口道鬼怪循翁所著方二豎膽可碎
在漢太倉公能與盧醫配史臣記其言先後列傳內矧翁
抱竒思放意筆墨外豈無孝文主下詔觀所對若用誇儒
林當使駭且悔

即事四首

薦彘初嘗麥三吳報有年分明看奏草敢信是虛傳朱黻
無憂歲蒼生欲問天如何千里外赤地到江邊

南國連年旱今年旱可憂望雲初自夏不雨又經秋糠覈

三升食

見淮
南子

符訾一歲收

見後
漢書

紛然指官穀

杜預
官穀

以爲生

命好費廟堂謀

經緯思吳越

王羲之曰區區吳越經緯天下十分之九

從來困踐更無家幾蹈

海上義

之語

有地尚偷生根本朝廷慮艱難父老情暴巫真下

策萬一是寬征

觸事忘身賤多言任口窮歲荒愁客路民病念江東短策
何時上高天詎易通淒然憂國淚只洒布衣中

寄舍弟敬哉

怪底經秋氣不蘇那堪函問一年俱書來昨日腸先斷心
折他鄉淚已枯慰藉儘教言痛切死生何故字模糊知君
不忍分明說故作蠅頭報病夫

贈太原傅青主先生

乎晏去幾時釋勸久不作先生繼其蹤大義動寡鄙弱冠
便恢弘深湛鄙曲學龐然一布衣開口笑管樂偶然頌佳
句完月天河濯翰墨更淋漓交葩互挈攫人間得片紙寶
愛過金錯誰能盡鄉材區區乃糟粕維昔天瀕洞黨禍熾
毒蠱吁嗟袁使君無罪嬰木索賈彪一西行正議奪謠詆
歸來默無言抱影竄丘壑家貧意彌安身老志愈慤荷篠
先春耕腰鎌待秋穫烏犍驅一具史傳挂兩角欣然足平
生俛仰幸不忤何圖天網張縱獠到山澤按廣韻藥鐸二
部無澤字韻會

有之作達各反淇書天文志格澤地理志澤索是也然曹
植詩霖雨成川澤竟作陽伯切矣蓋古詩十九鐸通二十

陌左思何劭詩皆
然不獨陳思王也留翠捎鳳皇籠置羣鳥雀敦迫使就途

攜無一錢橐饑寒引百病侵淫及腰腳不堪蹠蹕行穴板

因纏縛沈痾勢延綿蘆酒御不款。至尊問起居宰相給
醫藥遺之不言謝問之徒諾諾我時客京師朱門絕芒屨
一心欽英風吐日請尤覈先生為我起意色都不惡吐口
一開懷片言得大略山泉本來清不受盥漱濁浮雲或到
地竦竦即高擢文舉置西園仲御亦詣洛從來賢達流通
道恥齷齪當今瑚璉姿先後照臺閣俄然獲寶鼎光彩半
剝落摩娑意已厭那用當杯杓莫歎歸無時故山行可約

恭壽大司寇南和公四首

至人千古心百歲等一瞥苟能盡忠孝乃與天壤匹恭惟
南和公少小敦大節竭來掌邦禁刑靜絕騷屑歲午月仲
冬是公懸弧日從容置尊酒與客話風月龍門多佳賓班

坐襟野逆酒酣起再拜珠履竟摩軋賀公神明強顏公壽
蒼蒼鄙人不曉事煩禱言辭拙常聞父老言往事記彷彿
衆賓且安坐約略為君說

先朝陵替時青齊敵充斥誰挽馬箠來不戰先辟易凜凜
先中丞虬髯怒張戟陸沉有同恨安問封疆責剡蒿登空
城拔劍斬嗷嗷白徒那可用首鼠助作逆牙折巢不鳴戴
頭入鋒鏑蒲身無人續魂斷南門石

周顛事

公時年十六徒

跣走百驛上書動玉宸灑血一披瀝及夫南奔後陳情愈
敦迫庸臣與孱主聞見生感激赫蹠下中書浮議遂冰釋
昔觀泉明傳

顛泉明傳

與公似一迹所遇異昭昏難易究什百

將來傳忠孝先後照史籍

一門萃英豪標格最清舉置身季孟間敬愛各有理攻文
競清新抱被同卧起雕鶚凌長風健翮誰與比敬和青雲
姿抱病委鄉里孤琴伴靈床萬事赴流水腸斷鄉書中淚
灑金門裏悔為一官誤乞假與經紀吾聞同產憂棄官古
有是曹全彼何人故事在青史後世禮教衰留祿弗為鄙
廉頑仗吾公不獨風義羨

萬石計安身恭謹但捫舌長孺社稷臣無乃太唐突吾公
獨不然忠愛寸心結平生尚寬和遇事則先發年來正用
兵駕馭事藏疾將驕軍士怒白刃起相掣憂端不在大瞬
息判治忽片言動 天威低首就紀律 聖心初有憑跋
扈氣盡奪功應奕世存慶可及身必虛無赤松子豈敢比

稷禹乾坤惟君親回首兩無失只須勉將來便是長生術
春日有感

漫誕風光寂可悲旅人留滯竟何為晴雲細柳潛行地
菑笛闌門倚咲時鞦韆放金毛圍口獵埒調銀面紫髯騎升平
年少嬉春好寂寥孤懷有所思

聞說樞星直地維火延白鶴更非宜

翼奉語

少君五際書曾

驗子夏三陰論勿疑今日春農猶望歲可憐旱母又須時
野人忠愛常多慮無事憂天實在斯

轉移治亂須何事要在朝廷重論官莫算高贊尊卜式好
尋燕節用兒寬羣兇白帝雖銜璧殘虜蒼梧尚揭竿但使
循良持尺一眼看烽火報平安

須女熊熊影動拙三吳災禳未全銷偷生只合思平歲忍
死惟知待 聖朝騰有夢奴來雀鼠無多乘楫遇鷓鴣何
時一札從 天下特為沉痾著六條

陳其年太史索和清明日遣興詩次韻

帝城九陌街三條作伴蹋歌誰見邀春色著人先自醉愁
腸如我不須澆荒村落日初聞哭深院銀鐙又聽簫一片
客懷無賴極夢歸空用楚辭招

三月三日

上苑東風柳腳斜曉雲一抹曳官衙每逢佳節知為客纔
到清明見落花物候祇今都欲變我饑何事更無涯用少陵語
典衣且醉滄洲酒忽聽城頭日暮笳

縹麻瞥見百夫行上塚都過萬柳堂風捲哭殺依畫角鳥
銜殘紙入斜陽荒郊麥飯皆堪祭遠道壺飡未得將愁絕
東茅山下路兩年松柏幾多長

先塋在東茅山

本年今日思吾弟正接家書滿一函却道來春應嫁女無
端昨夜又生男曾因謀食催分穀旋為無衣教浴蠶前語
分明生死隔空令回首泣江南

清明前二日同王弘導憲尹諸子過孫少府飲作歌
南風作顛不作雨吹盡東華軟紅土隔手街頭不見人垂
簾鎮日惟枯坐孫郎怪我不出門銀鞍邀我排清尊錦帳
斜開綵雲破博山半爇都梁蕊天桃一枝惱不徹玉簫金
管招花魂羽觴百罰人盡醉醉裡欲去忌冠巾可憐五侯

不待客冷炙殘杯飽減獲君今底事反留賓曲却春衫不
教惜衆賓衆賓君且住街頭吹折風中樹

贈別宋孝廉御之先生

蘭英之酒不救渴芍藥之和不療饑眼前羅列取適口一
飽那論甘與肥吾翁才名滿南國先後群從多瑰竒安西
清論等太傅法護羨望齊僧彌通賢不藉官宦貴卿相從
此尊布衣如何天公忽啜弄小草一出生是非榮名中人
蟻蝨亂俄頃得失分懽悲崎嶇北轅又南向欲別未別心
淒其我舉一杯屬翁飲問翁何用區區為今年翹材萃英
俊班馬布路肩相隨腰間有綬出有馬妻子往往愁晨炊
人生在世貴稱意安能促刺遭人嗤矧翁身地本不賤輕

重豈在增豪釐急須結束好歸去故山正在楊梅時

張公六吉通判嚴州賦此作別

知公仕宦未蹉跎吳郡新都究若何官比昔年今似貴路

同東道去無多

唐末分江南東西兩道東道理蘇州西道理洪州自蘇至浙皆東道也

湖山

雲物依然好簿領從容不廢歌只是阿蒙心惜別顛因鄉

夢覺來過

送石門勞先生之任貴州五首

仕途有巧拙君子行所安身為公家用寧問易與難黔巫
亂射狼烽火連七年瘡痍起今日撫治須才賢奈何金闕
人坐食守一官緬彼萬里途慘戚凋朱顏苟能使無行百
計推金錢歎此遂成俗吾師獨不眩西馬一襜被行行極

南天炎威鑠金石中路橫戈鋌獨馮摩天刃批却霜根盟
漢武去千年西南更叛服先朝潁川事祭祭森在目烏撒
暨辰沅兩道今水陸潛軍出永寧直擣雲南腹當時轉輸
處曲折究已數百聞決一見自覺趨事速五嶺今蕃糧三
湘給子穀塞旗列千屯軍食仰此足以飽待其饑虜命臨
破竹勉立大漕功剖符繼前躅

居官無文章邠得免俗吏吾師世通人卓犖起科第章句
亂腐儒經綸資大計窮探得其源觸事發精義所以通籍
來政事美無繼後先司文衡極力挽風氣親為一家言獨
揭先民秘

夫子提學山東有公餘筆制義行世至今藝林中斟酌飽餘洵文

教盛中原行行及荒裔柳遵子厚法蜀化文翁肆上下千

百年庶幾不相媿

賤子蓬室姿希心弄柔翰間為制科文學力未十半獨荷

吾師知品題比東箭轟然八千人一一剖真質

謂乙卯琴舉場事

材收焦桐首尾咸在爨猶思絙朱絃俗士力詆譎此事一不成幾年隨貧賤竭來春明門委曲加深眷萍梗寄江濤隨風將及岸如何又相離使我獨哀歎

吾師天下才宿昔表清節曾為魏公知拜疏特稱達亦有廣平公譽之同官列薦賢此何心乃被成例奪吾聞選舉制本為庸流設不應抱恒規繩墨到豪傑所恃二公賢朝廷實英察聰明周遠近蕩蕩萬里豁此行護諸番亦用黃勳劾草蔡斃鯨鯢衢尊救饑渴二公行補牘琅琅奏

天關

壽吳母徐太夫人

離披桃李頽礫可松栢色乃知後凋心可奪歲寒力恭惟
吳夫人出自方雅族謖謖林下風溫溫懸黎玉豈惟濟尼
蕘能使劉柳服前明當季年國運遭百六維時庶常公絕
吮蕪城蠶夫人奉尊章遠隔仙霞曲淒涼荔浦裝嗚咽中
路哭鵲將燕老幼千里更水陸門無王成賓家乏李善僕
辛勤四十年畜事俯仰足趙武遂有成賀循果拔俗射策
登金門校書入天祿頽懷烏哺心頓爾乞身速還家及初
寒綵袖奪秋菊養堂搆巖嶽藜杖光歷錄酒酣道往事一
一人耳熟誰能遭艱難見此家門福螭蟠盡男兒吐視徒

碌碌

別李天生檢討

行意何須祿娛親不是官飄然歸養去轉覺乞身難破例
因明主辭榮獨士安還家掄舞袖留取布衣看

戲荅錢進士獻侯

錢郎何高嶷譏諷長竿束疾讀課五行流觀恃一目連年
拾科第沛若乘風翼更騁精銳姿一窺諸家域自言曉三
命六物可推測生死辨豪釐窮通判白黑奇言或驚人微
中每動俗先後走君門輕肥日相逐君言襟詼諧信口道
禍福喜怒迭紛然供君一捧腹我生如微星見晉書印望空
應錄抱此七尺軀頑然餓空谷何為不自量妄意慕高躅

千里賃牛車出門說其輓榻來遭深痛觸事歸射鞠懸心
天邊雲灑淚風中木羞買荆馬鞭恥从淳于卜煩君相指
示似欲慰窮蹙天公久顛倒司命亦反覆屈子生孟陬遙
遙問天哭昌黎辰安在不救蠻方毒止止君勿言吾懷齊
寵辱

寄頌孝廉雨若四十韻

與君初入京記是丁巳歲治行春夏交指道齊魯界便馬
製短衣趁時學重戴平生樂船中

李白文且
樂船中

倉卒恹驢背

牽縵手遺鞭寫鞍行失隊

潘岳議
滿岳議發

我時真恇怯君乃太

狡獪前行故道險後出誤蹶塊

左傳故道
險從武城

伏枕杜陵羞呼

暑舍人憊夜燈間笑嘻野飯噴稊稗遠道豈云疲詼諧亦

足使到京值試期入賞劇千輩多君與陳生為我迭稱貸
虛托擲黃金鮑肆入香蕙幸汝一戰收轟然衆軍敗旁人
巧相中群口議所怪擊水翼已成松風羽復鍛子時遭父
喪指日即南邁有心助余悲無暇為身慨艱難脫驟謀鳴
咽臨歧話款款俱未申依依行有待去年君重來數月我
先在兩地憂患餘寸心悲喜會誰令滿望還復使失足退
陳生罷公車吾子遂同載是時五月初赤日萬里曠毒歟
旅辟行訊狐路旁睽得荜少長林慙慙一噲見淮子汝去
悲不勝吾留苦無賴世情向絲麻棄物視菅蒯詩成無人
聽賦就向誰賣干謁非本心脂韋有明戒期期拙言辯研
研恥參拜思君但神交撫已竊自悔吳門八月初勝事一

時家鯉魴為羹肥餅餌作盤大
見放翁詩酒熟餉田頭桂香沸
城內黃流半篙深客路片颿挂離愁到君門相與訪野外
耦耕幸有人跡未可相對寄語海寧陳同來理荒蕪

述夢作歌寄碩太史懿樸

別君北來忽三年思歸不得心茫然春風昨日變桃李又
見荷葉青田田月明牽夢到鄉國彷彿記是皋橋邊阜橋
翻翻水波綠欸乃一棹縈輕煙躡船去訪南山主
碩白號南山主人

把手怪問來何緣石破金鷄逗空出天雞喚我青雲端惜
哉此境隋恍留眼前窅兀惟西山懽娛自古盡如此吾輩
張散真可憐憶昔携尊過東渚一肩箬笠瓜皮船銅坑梅
花留汝醉下瀝夜月同予眠此歌彼和拍銅斗驚起磔磔

風栖爲如何轉肘便陳跡爾我遂判東西天子歸抱痛亦
暫爾頭銜已署蓬萊仙我今留此寂無謂布衣蠢蠢隨朝
賢公孫有車邠肯借蔡義買犢愁無錢塵沙眯眼塞口鼻
漱齒何處求清泉上方滴水秀天外咫尺未許相躋攀辟
如野馬繫樞下雕與短豆仍騰騫從令作意辦歸計行裾
不受旁人牽與君一笑說前夢杖藜西指陽山巔

咏史

似說天書下黜宸築宮養澹聚流民

澹即贍字漢書作澹故仍之

壺食

那得移諸邑木酪曾聞活幾人肯與再生猶有築若毆爲

盜豈無因公田租挈年年重

挈漢書作苦計反

且議寬征事撫循

入闕有詔勿苛留鄉部紛紛更有求民死豈闕官長事歲

饑空使廟堂憂簡曰此日災為甚元表介有簡田吏詩報政今年課
宸優遠近庶司無失職欲從何處問侵牟

贈吳縣王明府四首

豐山甲清流磅礴生人文明府何卓犖舉體皆清真十年
游京華姓氏公卿聞今朝宰吾邑衆口稱其仁邂逅得披
豁恍如春風溫虛懷出英達了了涵經綸通途判歧路克
賦非一門壑鶴從天來軒然破雞羣吾鄉得君侯窮魚入
通津願抒謙公抱俛聽狂簡言

錢糧公私命胥吏營為窟於此長子孫紛紛誰能詰民逋
任意增租籍隨手剝私求巧為文乘間乞筆扎有時聽其
請百道出剝奪窮搜盡雞犬乃用一囊括歛怨與上官安

心得乾沒迄乎官負殿歎息徒內熱絕此固不能採之豈

無術昔人有明訓省事勵精率

用東坡語

十人羣樹楊不敵一

人拔

用國策語

君應誌我言隨事施明察

吾鄉無逋更征稅勿太亟官私仰田收外此何蓄積入春
麥未昌到夏苗未實非時下催符筋力豈能及更值連年
荒田無一錢直持男換升斗忍死不敢喫揮涕送官倉低
頭受笞責考成固堪憂性命亦可惜何如先與期寬然使
為力不見內史民負擔輸租入

朝廷念東南有意求循良粲粲陸平湖治平在封章當時
課寂下後乃覈名揚吾嘗見其人溫潤如珪璋趨事便神
發慨然心膽張君今頗相似前後足韻頽但須勵躬修庶

智用自將稻梁待饑雁竹落羅餓狼三年求良藥一日來
醫王公卿植耳聽簪筆遙相望鄙夫乖齒牙作頌歌康莊
行當 詔徵入相遲公車傍

戲題陳徵士其年詩卷後

髯翁詩文不自惜前後縹緗半狼籍旁人乞假只領頭頃
刻揮豪動盈尺紛紛袖取案復空捉筆掀髯笑啞啞年來
應 詔到京華匹馬凌兢帽欹側問君辭賦何所藹却道
從前盡陳迹疎枝冷蘂秋不存一到春風花的皜長安卿
相或好事先索新詩許酒喫狂吟一掃一百篇漸見空齋
復堆積我來索讀令自取得後遺前不堪譚大呼燈燭照
屏間盡力窮搜到床席有時覓得半段紙書法淋漓迷點

畫翁心至此方始悔乞我編摩成一冊君不見文衡狂走
鄒與枚開口互許文章伯平生撰刻巧裝潢冰玉踈踈越
羅白爭先偃僂送高門明日縱橫委墻壁

送別宋徵士

公卿變化真多門寒士握齧守一轍我生固陋不自知子
亦骯髒無人悅昔歲同充觀國賓東華門外塵沕軋武夫
千數眩流離汝玉未剖吾遭刖抱痛南奔去復來從旁睥
睨諸英達摩娑寶劍光參差快馬龍騰夜初秣策蹇追肥
那得前致師未鼓先傾跌我昔勸君勿復然且蓄奇兵俟
俱發君謂而謀不足聽窮甌莫掉談兵舌果然一敗遂摧
頽去把鋤犂事耕岱自識趁時百不工收身未必非豪傑

江南十月橘柚黃菜甲成蠶稻初割櫟盆村村野飯香擊
鮮冉冉銀絲活君歸亟買松膠春待我同遊五湖月

同候大年用楊鐵厓范石湖詩韵作歌

新烟着柳天濛濛黃鶯深坐啼東風野人何為帝城裏祇
唱吳歌弄春水水邊半掩誰家門暗香吹送湘娥帶回身
踏破蓮花步庫車載上山頭暮碧雲滿天人不來我今且
醉葡萄杯玉露沈沈凍銀盃清歌歷歷催牙板亞字闌干
日又西閨思往事作新題蓬萊借得三足使去問揚州橋
廿四如花玉女擘花箋供寫儂家白紵篇

小門生長洲王薛岐謹錄

嶸集卷上

東吳 研谿 惠周惕

紅豆詞

予都燕麥君休問白道鶯花我不思天畔春風燈底月暗
拈紅豆寫烏絲

佳麗人間何處好清谿堂上冷香頭自從聽得龜年曲南
國平添幾許愁

烏鵲橋頭夜半風館娃殘粉逐時空可憐一樹相思子露
晷烟欺只自紅

託根幸近幽人屋穠艷羣群不遣知自今風詠天付得羞
將顏色比紅兒

詞林典故卷上
十一
勻圓桂子玉珊珊入骨玲瓏勝合懽三豆任他誇一種不
曾隨例媚監餐

分明翠袖覆丹砂應在予洲領八霞知道玉卮娘子妬把
香和艷與凡花

草鬪裙腰柳挂絲芳心正在斷腸時王維老太風派絕解
得相思是阿誰

蠻楂白奈青華東萬里爭先進漢宮此物自佳人未識只
應來餽紫芝翁

拂水寒株付劫灰奉常園裏閑蒼苔
李何妨滿地栽
老樹還無惹

寄語南塘着屐人
綠陰新看他
雨洗霜清後來
又換綠陰新看他
雨洗霜清後來

覓枝頭一點春

讀孟東野集戲效其體

古人今不死如聽貧孟言抱魄置冰雪冷然吐詩藹空山
日影瘦敗砌蛩殼乾豈無輕肥兒嘲笑儒生酸因人不成
熱何似先生寒

不聽瘦郭語果然坐詩窮霜夜峭孤骨呻吟長安中長安
方醉會耳聒絲竹靜勿謂人不知勿言爾詩工誰能將秋
草往藝春花叢

收此千古淚悽然入枯腸擇地忽一傾敗葉飛秋霜隋魄
弔峽哀碎心哭花塲餘淚盈一栢奠之楚沅湘此時朱門
中買咲喧笙簧

有贈

跼踖何物是傾城
望客回頭盡目成
獨有箇人人未識
可憐歌舞亦虛名

滿堂絃管日紛紛
腰鼓檀槽耳聾聞
若及銀笙花底望
風殘月定思君

寄田公

十年官下賸青氈
布被囊衣盜亦嫌
不是夜深偷負去
何因知道使君廉

調心暫學坐禪僧
圍碁統毳無服出
門應更好偷兒
何計困姜肱

寄蕭韓坡侍讀

賈誼縱窮猶遠楚樂生雖老尚思燕怪君神采今方壯已
脫朝衫十八年

漫說瞻雲憶故鄉板輿席帽正相妨可憐貴賤皆人子搢
笏看君候北堂

今朝屏當住深村短榻蕭然卧竹根花外幾人來問字黃
鸝三請不開門

翠管銀罌知不用小鷗歌扇亦無聞只應一事難忘却南
浦懷人望白雲

口占寄田樂園

落拓江東一渴羗寂憐無地着清狂憑君排北杯中物待
我移家住醉鄉

除夕同樂園分韻

圍爐煨芋撥寒灰且作殘年咲口開

白詩大開口
笑送殘年

如約杯

錯隨客至有情燈火送花來官家樂譜僮能按新樣銀箋

手自裁更喜孤衾饒好夢故人蠟屐喚探梅

時有幼
童能歌

臘鼓臃腫欲及晨曆頭排印數新春瓠雲寄食方三度襍

被離家又一迭紅燭停針憐幼婦椒盃輟箸想慈親分明

紙閣蘆簾內共指釵頭卜遠人

為紫英題梅花戲呈田公

幾經纖手嗅來香細點烏蠻巧作妝一任司花分品格不

曾輸色與桃娘

千樹西湖元在野一株東閣總非官只應月地雲堦下送

與孤山處士看

題田公山薑稿

官裡閱吟萬口傳又聽拄頰賦歸田天公似夢江南景只許詩人住兩年

官事差閒便治游梅花香裡醉蘇州生憎皂蓋歸來日間殺中車與竹兜

也學蘇家號竹竿幽居風月自吟看雲臺有詠公知未得

句勝於得好官

坡老在東都住竹竿卷公所居里名亦同

作客經年未得歸龍潭雲水是耶非忽從詩裏看漁艇腸

斷儂家舊釣磯

公詩有漁艇有時入水禽無數飛之句余最愛其清婉書之便面

飲田樂園宅次棊公旦韻

君輩清狂我亦然拍浮同上酒人筵
襪杯寫燈前月隴聰窓明雪後天
把得碧濤呼錄事賦成紅豆試龜年
歌殘一曲騰騰醉畱取梅花伴客眠

夜深酒醒又淒然愁絕唐昌玉蕊
蓮草履有方能化鶴地肥何物累升
天判他貧賤將終老借得風情尚少
年獨怕五更街鼓絕荒鷄來喚石生
眠

和田公長齋繡佛詩韵

但學闔門那問天閔拋手板一安禪
春明往事江南夢付與麤麤古佛前

空王太寂也須憎羨事堆身百不能
詩卷酒杯多到手故應輸個在家僧

誰能清坐看優曇試飲從教到半酣
小鳳麪生來次第羞排彌勒與同龕

不須更向碧山樓禪老問官理亦齊底事昔人多俗相
分疏何肉與周妻

新篔初試穀紋清便趁遨頭取次行
日上三竿花滿地一筇扶出醉先生

又和前韻

文人慧業自生天何用跣趺更問禪
但得此中真解脫不妨且讓客兒前

野外官途搃是明停歌謝客有誰能
東山不少蓮花妓可要添他貝葉僧

朝參何似禮瞿曇
街鼓催眠起半酣
入社今朝真箇樂
木床三腳卧檀龕

雲湯麻粥隨宜有
禪板經籤傍架齊
如此理生堪免俗
杜陵應悔報山妻

一片衿期比雪清
獨將吟咏抵修行
閒牕繞了梅花課
又

向蒲團著養生

嵇康有養生論

春日寫懷十首

菽簾土銼兩荆扉
落落乾坤著布衣
曾悔遠遊幾悞我
何因暫出便忘歸
朱絃離柱空三歎
烏鵲無枝更一飛
愁對淩雲風翾健
普騰花下送斜暉

昨日禰裋雪下時
今朝風暖漾游絲
莫驚春色催青鬢
且

送悶愁付白痴衝飲欲爭野老席當場先掉酒官旗何人
作達稱同調一片孤懷未必知

尺五城南想薊州青衫挾策舊曾遊無端聞樂還西咲忽
爾看雲動北愁驚嘶上林方姪姹柳眠沙道正風流誰知
漢漢江南路也有春光在陌頭

採珠拾翠何年夢有約分明在始青春女花間頻悵望羨
人天外自娉婷依稀上下臨水語彷彿參差看井星懷舊
感時成一咲遠山微雨畫冥冥

肯為衰顏泥壯夫頻年浮梗信窮途客心去住雲南北塵
鏡功名意有無花解留人供咲詠天將許我占江湖烟波

喜得還寬在不礙飛鳴引一雛

時熊兒隨
余在德州

軒車接軫被河濱破帽青鞋也探春寂寂鶯花都笑我堂
堂曰月底欺人粗供麩藥從為客但羨遨遊不是貧龜楹
一雙幾緡屐楚夫隨處度佳辰

謝靈運曰公子不及
世事但羨遨遊

濕雲籠樹影微微客路輕寒雨欲飛四海人誰憐袒褐三
更我自卧牛衣梅開野圃春仍瘦鶴唳平田晚帶饑物理
細尋何計得只應歸掃舊漁磯

新來歲月但崢嶸俛仰人間捨不情已被剪翎窺鳥過常
踈問寢聽雞鳴唐園雨後思行菜溪友書來喚偶耕昨夜
夢尋紅豆下板輿黃犢開柴荆

唐國鼎
鹽鉄論

草色連沙綠未勻野風吹浪碧粼粼半天簫鼓迎河伯夾
道旌旗擁社神水馬小留看側枕郵亭且住避飛塵從來

習俗自兒戲長嘯一聲歌角巾

辭家且勿歎離羣賴有風流舊使君除舍經年先置榻
裹糧千里為論文常攜重碧呼明月更把新篇比白雲
勝事流連殊足樂擬須何事欲云云

懷同里王石年褚蒼書文宿日吳公紳周覲侯諸詩
人賦寄

途窮生計思漁釣歲晚支游愛老蒼歸夢正尋雞黍局
春心先到水雲鄉桃花繞屋千株火柳色分隄一帶黃
記得諸君沉醉處只愁無路趁壺觴

荅田公濟南見寄

當年客路怕山青曾哭東風過古亭豈料此情今亦減更

無一泪真滄溟

公來詩有同君一淚李滄洲之句故云晉書此亦一淚

和田公留字韻答公旦

容得踈狂且暫留
春來斟酌典衣裘
些些往事君無說
錄織兒我不離
好伴殘燈消旅夜
還提濁酒過牆頭
樽前有句誰能和
漫學江淹擬惠休

送友

春草如烟水似藍
一竿紅日照茆菴
出門小立東風外
看爾騎驢上濟南

再和留字韻寄田公

歷下新亭幾日留
薄寒天氣試春裘
題詩古寺邀僧和
買酒當壚畫地讎
草藉青鞋繞受足
花黏烏帽半歌頭
人間

此樂明公得直是禪家一小休

畫地作文賒古樂府
語鮮字義見毛詩注

夏日寫懷十首

首夏恢台又一時
槐陰抽滿窠
高枝短長晝
夜愁人覺冷
暖風光病客
知階下
閔銘埋筆冢
床頭新譜送春詩
憑誰
咲我耽踈放
已分君房是素癡

永日無心更出游
坐看風景祇生愁
花心開謝何關鴉
天
意陰晴欲問鴉
重碧千章成遠蓋
浮雲一片失高樓
流光
變幻都如夢
何物車前是八騶

蝶粉蜂鬚已作塵
重看幽事逐番新
門添野草移新路
樹
剩孤花見故人
盞釘薑芽肥似肉
梧傾羅釀白於銀
但令
眠食都無恙
即是天涯一幸民

紫李黃瓜村畔路低雲細雨晚涼時池心撥刺魚遺子簾
額奴軒燕引兒伏枕怕尋前日夢推秤羞算欲殘碁悶心
一種憑誰識分付緇徒野伴知

更事曾懷自覺寬不關身事付閱看青青幼竹都齊母閨
閣鳴蛙盡屬官行飯松陰驅繭犢題詩桐葉隊擲冠從今
文悟逍遙理嬾向青天望羽翰

書堂高樹綠陰稠小砌層欄一徑幽好友欲來先解帶涼
風初過正梳頭睡餘蓮子隨宜把醉後牙籤任意抽料得
此時金馬客黃塵赤汗拜銅樓

河干寂寂似深村誰打三更月下門學士送來詩一帙王
孫携得酒盈尊哦詩不覺燈花炮把酒時捫坐石温此地

有人傳好事明朝便作畫圖論

時序推遷有是非
悶思往事怨春歸
那禁素手親團扇
頓使渾身馱熟衣
窮歷世途真欲笑
冷看天地擬何依
平生知己嚴公在
一片初心搃不違

暫作羈栖在竹竿
疎簾清簟儘盤桓
居然熱地容寒士
賴有冰心對素官
無事形骸忘我賤
常寬禮數想公難
分明領得優賢意
鈿旂金鈴試一看

自從飛鞚到人寰
寂寞憶城南
香水灣
旅舍一涼來
好雨秋牀昨夜夢
青山藕花風繞湖
三面紅豆陰
輪屋半間更有西隣
垂白叟來言玉桂待同攀

題畫

誰剪秋光入扇頭
芙蓉裊裊白蘋洲
分明月澹燈清夜送
我江南一段愁

猶記清谿蕩漿時
蠻絃楚管寂相思
一天秋水人千里採
得芙蓉欲贈誰

蕭侍讀餉苦酒及藕粉作歌奉謝

牀頭斷酒夢不長
凌晨躡屣行風廊
誰歎念我致一斛打
門抱送來槐堂
然瓶照眼印署字
著手未擘泥先香
摩娑再四心語口
細杯斟酌供千場
長鬚睥睨莞爾笑
更有下酒瓊糜粳
函封藕粉出短袖
霏霏玉雪欺秋霜
邇來官厨便北食
胡萋澤蒜烹黃羊
久親腥膩漸昏滯
思得花乳澆中腸
食經俗相不足論
空傳蒸藕從高陽

蒸藕法見齊民要術

麴封蜜

灌夫真味何異唇額塗朱黃豈如根柢付春磨一雪但攪
風爐湯晴牕玉盃貯甘滑飽餐飢啜皆無妨人生眠食古
有語涉世為口今差償倒身甘寢萬事失鼻息畫撼鄰家
墻

秋日出游小醉旗亭

早涼天氣落花餘穩馬新銜試小車偷出閨行醉何處杜
杞樹下薛濤居

久耽冷淡坐匡床也復閨吟過泰娘自今心情難入俗略
教脂粉上篇章

狡獪麻姑奈爾何自言秋月病來多普騰窓下移時立把
得琵琶不肯歌

落日西風歸去來
臨行底事欲裴徊
十分玉手擎花乳
更請盧頭坐一回

花下狂歌月下酌
客中隨處有閒游
青鞋皂帽何人識
已被驚傳徧德州

次韵答友人

客行落此一年餘
卧想平生下澤車
不是出門開口笑
直教閤殺子雲居

朝吟紙閣莫藜床
費却工夫賦耍娘
雖是隨宜閒筆墨
也勝俗子乞文章

莚老蘭長可奈何
纈紛秋髮鏡中多
天涯大有牢愁句
試遣玲瓏為我歌

莫言客路儘勾留扶病尋花豈當游恰似琵琶明月下青衫收淚醉江州

崢嶸集卷上

小門生王薛岐謹錄

嶺嶸集卷下

東吳 研谿 惠周揚

秋懷十首

此生簫瑟在菰蘆挂頰看天病未蘇風磴殘花歸舊夢秋
塘雙鴨上新圖栖栖豈意從夫子碌碌真堪羨阿奴自問
邇來何所事無情年歲長征途

宋崔白有秋塘雙鴨圖

又見槐花一地黃依然白袷困風霜無端閉戶閒經月作
意持杯醉幾場愛我或言老不俗憑人相咲是佯狂豈知
雲白山青路細語年年暗斷腸

借得齋居一畝寬紙牕綈几稱儒酸人間禮數踈難學俗
下文章嬾不着決踵舊穿蒲子履蒙頭新綻竹皮冠西風

欺我無衣客頓作颼颼一番寒

貧病相兼與歲侵無情風物撻闕心花光冷帶三分霧天
氣晴留一半陰旅雁失行何不止寒蟬抱葉為誰吟巡檐
徙倚渾無托又聽隣牆斷續砧

風光已去孰能持禪榻心情問髮絲連歲生涯須酒送一
天秋夢與花期酌來醺醪翻愁醉奪得芙蓉更自疑寂是
客魂無賴極蒼涼驚斷玉參差

莫向人間問是非迂踈真與世相違魚跳南浦投竿入瓜
種東陵抱蔓歸豈料飯山爾許瘦輸他糠覈自能肥平生
俛仰都堪愧排比長鏡學采薇

旅人何用計窮通鎮日蕭然對碧空桐子細沾紅葉雨蘆

烟輕颺白蘋風詩情斟酌兼濃澹酒戶評量在下中倘得
一杯時到手長歌還擬向江東

年來心事愁淒迷湯榆巴箋傷帙齊莊子文章全是寓義
山詩本半無題虫吟敗砌將枯草燕泣空梁舊啄泥歎息
此情誰會得含豪閱送日平西

長河渺渺入雲流身世渾如未泊舟敢謂三升無足戀可
憐一咲也為留悶思壺澤將孤往誤讀離騷事遠遊聞道
乘槎消息近鑿天何路到牽牛

管領風光與物華南樓清絕庾公家花浮小盞三投酒乳
潑深爐七品茶碁局桐陰當日午詩籤燭跋映牕斜一時
珠履俱名士慙媿敦勤禮孟嘉

九日病起有懷

客裡難忘是舊遊，小蠻龜榼貯新篘。酒徒半是門生輩，扶我籃輿上虎丘。

金屑紅牙醉幾場，挈烟小艇出山塘。斜陽細艸何山路，低帽簪花看賭羊。

西舍相招纔罷酒，東鄰隨喚鬪秋茶。歸來更有關心事，野叟持書送菊花。

白玉新炊飯甑香，蟹螯初點紫茅薑。三竿睡足高堂啓，先請隨宜試一嘗。

洞庭買到迎霜橘，西渥携來謝口菱。斟酌一家今遍後，竹

籃提餉坐禪僧。

九日食菱謂之謝口蓋後此不可得也西渥觀故輒於是日見道

今朝扶病起繩牀目斷秋天過雁行滿地西風正蕭颯旁
人多事說重陽

飲山叢書屋同田公賦

幾處散盃邀上客誰家軟舞抹紅巾使君好事真堪咲作
意銷進醉野人

一棹觥船真灑灑十分空腹咲蠶藍黃花爾亦何輕薄不

上畝斜破帽簷

公詩有堪咲老夫多態度白頭烏帽揀黃花之句故用末句相戲

再用前韻答人

重陽直是一秋餘歎息流光過電車料得登高無處好商

量還去問樓居

史記仙人好樓居

新月如眉伴客牀階前撲撲是香娘分明秋水斯人在試

咏蕪葭一兩章

悲吟猶賴有羊何
惠我蠻牋一束多
不見華堂紅燭下
自開尊酒自聽歌

聞說姮娥肯夜來
齋心花下幾徘徊
如何寂寥青天月
空數圓時十二回

紅橋碧樹木蘭舟
十里山塘作勝遊
今夜天邊空想像
誰教容易別蘇州

寄蘇漢毅孝蕪

玉山才子去幾許
海內風流尚有君
十日清尊和客醉
一天涼月與秋分
詞翻珠貫調歌扇
墨弄銀鈎試舞裙
寂是碧梧幽絕處
半牀書卷半牀雲

呂博士招飲以病不赴

買得三瓶箬下春
早來招我倦遊人
未能痛飲慙名士
敢學狂歌位上賓
蘭蓂三分量舊帶
桐花滿地臥秋茵
君看可是風流伴
莫遣雙鬟咲角巾

卽事

蓮子雙樽酒數巡
紅氈風弄藕絲新
劇憐一坐笙歌會也
着欵寄可咲人

一秋客路都無事
冷淡心情只苦吟
禪榻茶烟人醉後
漫裁新調和簾欵

田公惠褥殿衣材數事賦謝

窮人一飽已自足
明公又欲加冠巾
湖綿厚絮魚子纈
織

成初剪蜻蜒文中單幘子竟璀璨上下一片從頭新吾生
江左異帚屐枵然七尺牛衣身姜肱布被痛已裂青氈割
截今無存天吳紫鳳那敢望鼻攢半幅連冬春飢寒驅我
更北渡短衣彈缺諸侯門瘦妻刀尺阿母綫酒痕厯厯沾
車塵有時強顏坐上坐根根曲項彈岷崙可憐真珠好結
束藕絲紅綬行雙樽夜深酒斷雪一尺傾囊倒橐尋破紳
豈無同學富裘馬一羶誰肯分餘溫山董夫子今白傅官
途冷落羞言貧減衣縮口延酒士大裘逐手隨人分如何
賤子寒至骨亦與裝點成佳賓清溪照影忽自笑熏衣理
髣君何人

歲暮襟感 有序

僕少而貧賤長而旅游未嘗一日得安處也壬戌
夏杪田公邀之來此涉春徂冬行及二載明春又
將辭公北去歲莫枯坐默數平生舍毫邈然湯成
十詠蓋勞者多思貧者多怨不復自知其言之悲
且冀數十年抑塞磊砢之氣於一日傾寫盡之庶
幾禰袂故態重向人間此亦子雲逐貧退之送窮
之意也云爾

歲事闌珊客路中此身那敢問天公禁當雨雪思枯樹堆
積塵埃任朔風吹火不然寒有力驅愁還至酒無功縛船
結柳終兒戲何法商量穩送窮

閔撥寒灰記歲時兩年容易得棲遲悠揚燈火迷歸夢慘

澹天光寄客思久卧垂龍便底窟檢巢寒鳥定何枝來春
荏苒闕山道更向行人問路歧

亦政新堂庶角東

亦政田公堂名

竹爐茶灶許誰同詩篇徃徃真

憐我口腹區區也累公每為胡床思夜月生憎席帽趁西
風入門未別先惆悵坐對長檠一穗紅

幾番江邊苦問津鬢鬆旅髻陌頭塵只緣貧賤輕千里且
為文章愛一身酒可敵寒休過卯藥堪禦病更須寅何能
兩事都無負借箇新年作好春

不出齋居近二旬支離嬾困病餘身絲封卷內蠅頭字風
撲床前塵尾塵怕坐愛眠辭酒伴悶心好事問茶人無端
一笑符纓絕為倩奚奴整角巾

任是陰晴雪月天
客心何處不淒然
歌殘舞罷應無那
酒熟茶香更可憐
黥老祇憑三尺檠
悞人常為一囊錢
何時春水東南綠
襪被沿村待放船

踪跡經年濕酒徒
故園松竹幾荒蕪
遠遊何忍言人子
乞食還堪命丈夫
阿母有書來索米
舊文憐我勸歸吳
誰知淒冷三冬病
雪巷深泥卧旅途

也曾江左數名流
酒地吟場逐俊游
紅袖分牋随手擘
彩盤徵令任人偷
閒思往事添三費
暗數平生過四愁
王粲一身頻去國
不知何處更登樓

記得青陵舊築臺
葦雲曾否夜深來
銀箋有信通魚腹
玉珮無情付鴛媒
好夢易醒晴日雪
春心難守蠟燈灰
絕憐

悽惋同殺曲用盡籀欽作賦才。

龍尾金閨舊識多尺書相台試重過狂奴故態難裝點醜
婦衰頰費洗磨三月泥香融履齒六更風靜散鳴珂旗亭
度曲如翻調好唱新傳暇豫歌

題壽讌圖

青楊直指白楊邊亦政槐堂第宅連壽母兩家先後事一
時孝友說蕭田

用范文穆句題琉璃河店壁

幾行官柳繞回塘人影鞭絲亂水光獨倚軒車圖畫裡
琉璃河上看鴛央

楊花糝路白於霜雁齒粼粼水一方破曉北來何事琉璃

璃河上省駕央

同吳天章陳叔毅湯西崖查夏仲朱文益王咸中喬

扶功飲巖桂峯侍御宅令賦

是日同西崖夏仲宿侍御齋

良會有今日驅驅逐隊過官閤寧惜醉客好不妨多生意
隨秋雨雄心與放歌天涯一寸燭如此夜闌何

查查升山

夏仲猶子

君家癡叔未殊癡向我吟君絕妙辭昨日有情煩遠贈從
今何地不相思山當小閣看雲後風軟斜街問月時安得
一尊來共酌且乘殘醉與題詩

別吳商志

曾從傾蓋得吳郎白袷青衫客帝鄉無事每尋明月下有

錢同醉酒壚旁詩題秋寺悲游子燭剪深更話草堂

州堂謂徐

侯齋先生商志侯齋甥也今日東西各分手一天岐路正蒼茫

為國棊林元煥賦

曾聞王子過西州
屨諸郎盡雅游
今日論才到江左
樗蒲棊局儘風流

簾影襯裊漏雪光
一尊火底試鶯黃
聖朝不貴羊羊保
好趁閒人賭索郎

紅蠻格子布楸枰
恰對宮紗二尺檠
我自從旁常袖手
憐渠黑白最分明

束書絃研絕逢迎
來聽空堂下子聲
自咲頻年三黜慣
忘機猶未到輸贏

同姜西溟彭孝緒金穀似碩九恒魏禹平張漢瞻查
夏仲兄弟汪寓昭湯西崖談震方會飲張園作歌限

張字

是日諸君皆騎余同
禹平夏仲步過張園

；

三千擗鼓開門坊城上烏尾翻朝光叩户丁丁得好語竹

膜一幅書三行書言招我文字飲今日置酒城南岡坐客

翩翩盡豪俊主人妍雅刑曹郎

謂朱公
子敬則

我聞此語意飛動

如馬初駕帆風張起尋巷北問我友攜手步及青絲韁張

圍結構頗妥帖後有小閣前方塘略約斜行通石磴一林

瘦竹風欹廊枯藤脫樹落殘雪屋角撲撲飛鴉孃隔簾鐫

噐笑語近軟火煮酒微聞香坐來亭午人正渴玉鈎蓮子

堆鵝黃清吟雅令相間作只少纖手彈紅桑昔歲春明劇

游衍提壺看月天
壇傍縱橫鬪酒押
強韻搜句徃徃窮班

揚

謂其年次
辨諸子

眼底升沉一反手
可憐吾輩仍清狂
浮雲柳

絮挾風過後會未卜
期何方萬事撥棄不擬道
為君倒盡

黃金觴

題畫

何人呼渡過春江
萬頃琉璃映水牕
風色滿天波浪濶
憐他五兩自雙雙

送徐公子歸秀州兼寄周青士

春明三月似江東
金水天桃半欲紅
婪尾杯乾君別去
燕鶻嘶入酒旗風

千金圩畔是君家
草屐裙腰繞郭斜
聞道春閨先有約
莫

教開盡海棠花

我念江南亦欲還
茆堂寄在碧溪灣
門前好事年年在
二頃春波十里山

何時來過鳳池坊
駐馬城隅問草堂
挈得一尊留我醉
深

深花下著兜娘秀州舊有妓名兜娘

好在風流周處士
一竿真欲老江河
懸知詩酒情難忘
紅

豆新詞作得無青士飲余寓齋余命吳姬行酒青士戲之曰此紅豆主人妓當作紅豆詞贈之已而

果不

呈司業劉先生

六籍天下師成均
主其枋吾師及漁洋
文采兩輝映汲古
地有餘清才出篇詠
碎如瑱篲吹此倡
彼則應藉藉膏子

行填咽橋門聽歎息百年來斯文此為盛無何漁洋遷夫子無後命盡謂選舉非官途有蹭蹬豈知廣文館乃為榮陽鄭此例自古庶矧今天子聖留公司國子意實近忠敬比來銳人事爭撓取一徑風茲雅素材又以杜馳競求信必小屈斯語非徑庭賤子生蓬蒿雅無適俗性側身都養中子在甘使令慨彼綴學徒抵調破孔孟願從大授時挾冊一取正

出都別諸同學

依肱席帽出都亭驛路南來指翠屏滿地蘼蕪皆弄色可憐衰柳不曾青

好友如雲靛薊門酒徒還有幾人存他年不負看山約訪

我龍潭潭上村

六年天章之津門文彙之濟南今來孟古之淇南

出門岐路有西東去鴈來鴻那得同料理長錦生計足從今招我不須弓

綺陌春游正蹋歌斜陽羸馬漫經過水紋如縠山如畫回首東風喚奈何

一栝誰肯餉餘春襟被普騰信馬塵慚愧窮交二三子典衣沽酒送歸人

微雨

天涯失路經年住此日淒然返故鄉不信東風太無賴又教微雨濕輕裝

早發

僕夫何太遽驅馬促晨興狼籍五更夢淒迷半壁燈曉霞
先日上殘月與雲凝樹影前村路蒼茫蕪幾層

趙北口

如帶長隄落鏡中閒行弄袖有微風雙雙白鳥青天外寂
愛斜陽一抹紅

香城驛

縵田乘雨破春耕落日柴車帶犢行繞屋馬通高一丈地
名還是號香城

過西枝草堂同念始夜話

沙路蕭蕭許馬迎芒屨竹杖再尋盟雍容車騎慙吾語款
曲杯盃念爾情渠几尚看千帙散疏簾猶有一牀橫懷人

感舊心翻怯細雨孤燈夢不成
去年北行念始問何時再
來余戲之曰非高車駟馬
不是過也

飲胡僉憲署

東風吹盡清明雨庭樹槎牙綠初吐使君招我後堂來簾
幙深沉語鸚武入門小徑接書齋玉軸牙籤架堆垛晴牕
煮茗作松風香篆和烟橫一縷論詩說賦語未終旋促張
燈設酒醕康成女婢也知詩白氏家僮盡能舞禿衿小吏
艷如花袖出君侯新樂府銀鈎細寫斷腸詞不數雍熙舊
來譜籙絲急管太可憐窄袖蠻裝寂婀娜吾生落魄幾十
年對酒聽歌輒楚風流爾許如使君百罰深杯無不可
劉郎通好情自佳謂劉座
上田公復知我新文舊識聚一
藥房

堂沈醉何須辨
賓主曹騰上馬去
無言街漏沉沉夜
三鼓

過鄭圃有懷

曲曲櫺門趁柳斜
春風重醉孝廉家
槩牀木榻依然在
卧對丁香一樹花

崢嶸集卷下

小門生王薛岐謹錄